

2021 წლის საქართველოს ოკუპირებული ტერიტორიების შემსწავლელი სამეცნიერო კვლევითი პროექტების ხელშეწყობისა და საერთაშორისო სამეცნიერო ღონისძიებების საგრანტო კონკურსი

ხშირად დასმული კითხვები

1. რას გულისხმობს კონკურსის სხვადასხვა ლოტი?

ა) პირველი ლოტი - საქართველოს აფხაზეთის ავტონომიური რესპუბლიკისა და ცხინვალის რეგიონის (ყოფილი სამხრეთ ოსეთის ავტონომიური ოლქის ტერიტორიები) შემსწავლელი სამეცნიერო კვლევითი პროექტების განხორციელება;

ბ) მეორე ლოტი - საერთაშორისო სამეცნიერო ღონისძიებების ორგანიზება:

- სეზონური სკოლები

- კონფერენციები

- კონგრესები

- ფორუმები

- სიმპოზიუმები

2. რომელ სამეცნიერო მიმართულებებშია შესაძლებელი პროექტების წრადგენა?

საქართველოს ოკუპირებული ტერიტორიების შემსწავლელი სამეცნიერო კვლევითი პროექტების ხელშეწყობისა და საერთაშორისო სამეცნიერო ღონისძიებების საგრანტო კონკურსში პროექტის წრადგენა შესაძლებელია საქართველოს განათლების, მეცნიერების, კულტურისა და სპორტის მინისტრის 2019 წლის 30 აგვისტოს №179/ნ ბრძანების პირველი მუხლის მე-6 პუნქტში აღნიშნული სამეცნიერო მიმართულებების შესაბამისად. ამ მიმართულებებს კონკურსის სამეცნიერო მიმართულებების კლასიფიკატორის მიხედვით მიენიჭა შემდეგი კოდები:

1. საბუნებისმეტყველო მეცნიერებები;

2. ინჟინერია და ტექნოლოგიები;

3. სამედიცინო და ჯანმრთელობის მეცნიერებები;

4. აგრარული მეცნიერებები;

5. სოციალური მეცნიერებები;

6. ჰუმანიტარული მეცნიერებები;

3. ვის შეუძლია კონკურსში პროექტის დარეგისტრირება?

ა) საქართველოს ოკუპირებული ტერიტორიების შემსწავლელი სამეცნიერო კვლევითი პროექტების გრანტის მოსაპოვებლად კონკურსში მონაწილეობის უფლება აქვთ: **წამყვან ორგანიზაციას; თანამონაწილე ორგანიზაციას (ერთობლივი პროექტის შემთხვევაში); პროექტის ძირითად პერსონალს.** სამეცნიერო კვლევითი პროექტის ძირითად პერსონალში პროექტის განხორციელების მთლიანი პერიოდის განმავლობაში ჩართული უნდა იყოს არანაკლებ ერთი ახალგაზრდა მეცნიერი.

პროექტში, ძირითადი პერსონალის სტატუსით, **შესაძლებელია** ჩართული იყოს აფხაზეთის ავტონომიურ რესპუბლიკასა და ცხინვალის რეგიონში (ყოფილი სამხრეთ ოსეთის

ავტონომიური ოლქის ტერიტორიები) მცხოვრები საქართველოს მოქალაქე/პირადობის ნეიტრალური მოწმობის/ნეიტრალური სამგზავრო დოკუმენტის მქონე მეცნიერი.

იხილეთ კონკურსის მარეგულირებელ დოკუმენტებში)

ბ) საერთაშორისო სამეცნიერო ღონისძიების გრანტი გულისხმობს საქართველოში საერთაშორისო სამეცნიერო ღონისძიებების ორგანიზებას საქართველოს ოკუპირებული ტერიტორიების (მისი განუყოფელი ნაწილის – აფხაზეთის ავტონომიური რესპუბლიკისა და ცხინვალის რეგიონის (ყოფილი სამხრეთ ოსეთის ავტონომიური ოლქის ტერიტორიები) შემსწავლელ თემატიკაზე სეზონური სკოლების, კონფერენციების, კონგრესების, ფორუმებისა და სიმპოზიუმების სახით.

ამ ლოტისათვის წარმოდგენილ პროექტში ჩართული უნდა იყოს უცხო ქვეყნის მოქალაქე, ან უცხოეთში მოღვაწე საქართველოს მოქალაქე აკადემიური ან სამეცნიერო თანამდებობის მქონე პირ(ებ)ი, რომელიც:

- კონფერენციის, კონგრესის, ფორუმებისა და სიმპოზიუმების შემთხვევაში, წარმოდგენილი უნდა იყოს ძირითადი ან პლენარული მომხსენებლ(ებ)ის სტატუსით;
- სეზონური სკოლების შემთხვევაში წარმოდგენილი უნდა იყოს მოწვეული ლექტორ (ებ)ის სტატუსით; (განმარტებები იხილეთ კონკურსის მარეგულირებელ დოკუმენტებში).

4. რა ხანგრძლივობის შეიძლება იყოს პროექტი?

ა) საკონკურსოდ წარდგენილი სამეცნიერო კვლევითი პროექტის ხანგრძლივობა უნდა იყოს 12 თვე.

ბ) საერთაშორისო სამეცნიერო ღონისძიებების პროექტი უნდა დასრულდეს არაუგვიანეს 2022 წლისა.

5. რა რაოდენობის თანხის მოთხოვნაა შესაძლებელი ერთი პროექტისათვის?

ა) სამეცნიერო კვლევითი პროექტისათვის ფონდიდან მოთხოვნილი დაფინანსება არ უნდა აღემატებოდეს **60 000** ლარს.

პროექტის ბიუჯეტში საგრანტო დაფინანსება შესაძლებელია ითვალისწინებდეს შემდეგ მუხლებს/ხარჯვით კატეგორიებს:

1. ძირითადი პერსონალის საგრანტო დაფინანსება;
2. დამხმარე პერსონალის შრომის ანაზღაურება;
3. მივლინება;
4. საქონელი და მომსახურება;
5. არაფინანსური აქტივები;
6. ზედნადები ხარჯები;

გაითვალისწინეთ, **ზედნადები ხარჯები** - წამყვანი და თანამონაწილე ორგანიზაციების ბაზაზე პროექტით დაგეგმილი ამოცანების განხორციელებისათვის აუცილებელი არაპირდაპირი ხარჯების საერთო მოცულობა არ უნდა აღემატებოდეს ფონდიდან მოთხოვნილი დაფინანსების **5%-ს**.

ბ) საერთაშორისო სამეცნიერო ღონისძიებების პროექტისათვის ფონდიდან მოთხოვნილი საგრანტო დაფინანსება უნდა შეესაბამებოდეს პროექტით გათვალისწინებული ღონისძიების ტიპს შემდეგი სქემის შესაბამისად:

საერთაშორისო სამეცნიერო ღონისძიება	ფონდიდან მოთხოვნილი თანხის მაქსიმალური ოდენობა
სეზონური სკოლა	30 000 ლარი
კონფერენცია	40 000 ლარი
კონგრესი	40 000 ლარი
ფორუმი	40 000 ლარი
სიმპოზიუმი	40 000 ლარი

ფონდიდან მოთხოვნილი თანხა შეიძლება მოიცავდეს შემდეგ ხარჯვით კატეგორიებს:

1. ძირითადი პერსონალის საგრანტო დაფინანსებას;
2. დამხმარე პერსონალის შრომის ანაზღაურებას;
3. საქონელსა და მომსახურებას;
4. ზედნადებ ხარჯებს.

- ძირითადი პერსონალის საგრანტო დაფინანსება და დამხმარე პერსონალის შრომის ანაზღაურება ჯამში არ უნდა აღემატებოდეს ფონდიდან მოთხოვნილი თანხის **35%-ს**.
- ზედნადები ხარჯების ოდენობა არ უნდა აღემატებოდეს ფონდიდან მოთხოვნილი თანხის **5%-ს**.

6. რას ითვალისწინებს პროექტის ბიუჯეტი?

ა) სამეცნიერო კვლევითი პროექტის შემთხვევაში - პროექტის ბიუჯეტი ითვალისწინებს პროექტით გათვალისწინებული კვლევის მასალებზე დაყრდნობით, პუბლიკაციის გამოქვეყნებას **ქართულ და ინგლისურ ენაზე**.

ბ) საერთაშორისო სამეცნიერო ღონისძიებების შემთხვევაში - გრანტის მიმღები ვალდებულია წამყვანი/თანამონაწილე ორგანიზაციის სახელით შექმნას და ადმინისტრირება გაუწიოს პროექტის ვებგვერდს (ვებგვერდის შექმნა და ადმინისტრირება არ ფინანსდება ფონდის მიერ), ვებგვერდზე განათავსოს ინფორმაცია ღონისძიების შესახებ. ვებგვერდზე უნდა განთავსდეს მინიმუმ შემდეგი ინფორმაცია - ღონისძიების ჩატარების ანონსი (ღონისძიების ჩატარების თარიღი, რეგისტრაციის ვადები და ა.შ) და ღონისძიების ჩატარების ამსახველი მასალები. პროექტის დასრულების შემდგომ, სავალდებულოა სამეცნიერო ღონისძიების ვებგვერდზე ელექტრონული მასალის სახით აიტვირთოს სამეცნიერო ღონისძიების აბსტრაქტებისა ან/და მოხსენებების კრებული **ქართულ და ინგლისურ ენაზე**.

7. რა ეტაპებს მოიცავს საგრანტო კონკურსში პროექტის წარდგენა?

კონკურსში რეგისტრაცია ხორციელდება შემდეგი სახით:

ა) პროექტის რეგისტრაცია ელექტრონულ ბაზაში - <http://gmus.rustaveli.org.ge> - **2021 წლის 25 მარტი - 18 მაისის 18:00 საათამდე**;

ბ) ფონდის კანცელარიაში რეგისტრაცია - კონკურსში მონაწილეობის შესახებ განცხადების წარდგენა ფონდის კანცელარიაში - **2021 წლის 25 მაისის 18:00 საათამდე**.

გათვალისწინეთ, ორივე ეტაპი სავალდებულოა.

გაითვალისწინეთ!

თითოეულ საკითხზე ვრცელ და დეტალურ ინფორმაციას გაეცნობით საქართველოს განათლების, მეცნიერების, კულტურისა და სპორტის მინისტრის **2019 წლის 30 აგვისტოს №179/ნ ბრძანებასა** და შოთა რუსთაველის საქართველოს ეროვნული სამეცნიერო ფონდის გენერალური დირექტორის **2021 წლის 25 თებერვლის N15 ბრძანებაში**.